

25/04-2019

FN-ip inuit innarluutillit pisinnaatitaaffii pillugit aalajangersagaanut Nunatta malitsitsinissaa qulakkeerniarlugununa tamakkerlugu iliuusissatut periusissiamikkingusinnerpaamik UPA2020-misaqqummiunneqartussamik Naalackersuisut suliaqarnissaatpillugulnatsisartutaalajangiiffgisasasattut siunnersuut.

Inuit Ataatigiit aalajangiiffgisassatut siunnersuutaannut Siumut imatut oqaaseqaateqassaaq.

Siullermik qujavugut siunnersuummut tungavimmigut assut isumaqatiginartumut. Isumaqatigilluinnarpagut nunatsinni innarluutillit FN-ip inuit pisinnaatitaaffiisa aallaavianik siunertaqartumik suli inerisagassarpassuaqaratta. Naleqqussaaneq pitsaanerusoq ineriartortinneqassappat susassaqarfiit sapinngisamik tamarmiusut akuutinneqartariaqarnerat avaqqunneqarsinnaangilaq. Taamaattumik nuannaarutigaaqput siunnersuummik uuminnga qaqitsineq eqeersaataaginnarani pitsanngorsaansamulli alloriartitseqataasinnaammat. Tamatumingalu Siumut suleqataanissaminut piareersimalluinnarpoq.

Inuit Ataatigiit siunnersuumminni tungavilersuutigaat ukiuni arlaqalersuni maannamut suliniutit arlallit ingerlareeraluartut taamaattoq sumiiffinni arlaqartuni ineriartortinneqarsimangittut suli inunnut innarluutilinnut amigaatigineqartut. Tamanna ilalersinnaalluinnarparput. Assersuutigalugu ilinniartoqarfiit, ornittakkat assigisaallu sumiiffinni amerlaqisuni suli naleqqussarlugit sanaartorfiusimangillat. Pingaaruteqarluinnartuuvoq sumiiffinni assigiinngitsuni Kommunit suleqatigalugit pitsanngorsaasoqartuaannartariaqarmat.

Maannamut Naalackersuisut pilersissimasaanni Isumaginninnermut Aqutsisoqarfik pilersinneqarsimanera iluaqutitaqaraluartoq, taamaattoq Siumumiit maluginiakkatsinni ilaavoq siornatigut periutsit iluatsittut ingerlasut ilaatigut atorneraarunnaarsimasut. Assersuutigalugu Visitationsudvalg suleqatigiisimavoq susassaqartut akimorlugit suleqatigiffiattut. Tamassuma atorneraarunnaanerata kinguneraa ilaatigut kukkusumik inunnik sumiiffinni inissiisarneq nalaanneqartalersimmat. Taamaattumik Siumumiit kaammattuutigerusupparput siunnersuummut ilanngullugit tamakku nalilersorneqaqqittariaqartut.

Innarluutit assigiinngitsut amerlaqaat, tamassuma qanoq suliassaqartigisugut ilisimatippaatigut. Soorlu aqqusinermi ikaarfissat isigiarsuttunut tappiitsunullu naleqqussartariaqarput, pisussinnaangittunut isaarissat naleqquttut inerisartariaqarput. Sumiiffinni ornittakkani innarluutilinnut naleqquttunik perusuersarfeqartariaqarpoq. Ilinniarfeqarfinni pisussinnaangittunut atortorissaaruteqartariaqarpoq. Nunatut ineriartorfiusumi inuuvugut innarluutilittattalu atugaannut naleqqussaansarput pinngitsoorani inissaqartariaqarpoq. Imaaginnangitsoq pisinnaatitaaffitsigut aammali atugassatitaasutigut ineriartortitsinissarput malinnaatittariaqarparput. Tusarniaanissat assigisaallu eqqarsaatigalugit

25/04-2019

peqatigiiffiit peqataatinneqarnissaat sakkortuumik Siumumiit kaammattuutigaarput. Assersuutigalugu Inooqat assigisaallu peqatigiiffittut ingerlareersut ilaatinneqartutut misigitinneqartariaarput.

Eqqortuuserilluinnarpagut siunnersuuteqartut Naalakkersuisullu akissuteqaataanni ilanngummassuk inatsisiliornerinnakkut iluarsiiarneq ajornarluinnarmat. Susasaqartut Kommunit qanimut suleqatigalugit, taamatullu Namminersorlutik Oqartussat ataanni susasaqartut Innarluutillit Illersuisuat peqataatillugu pitsanngorsaanissaq anguniarlugu isumasioqatigiittoqartariaarpoq. Taamatullu qulakkeerneqartariaarpoq inatsisinik paasinnilluarsimanissaq tunngavigalugu qaammarsaalluarnissaq. Malittarisassanik inatsisinillu ilisimaarinnilluinnarnissaq pingaaruteqarluinnarpoq. Oqallorinnerinnaq naammanngilluinnarpoq, suleqatigiissinnaanerli pingaarneruvoq, annermik timitaliisinnaanikkut. Taamaattumik nutaanik inatsisiornissaq pingaarnerutinagu pioreersulli pitsanngorsarnissaannut ataatsimut suleqatigiinnissaq ujartorneqartariaarpoq.

Piffissami aggersumi pisussat aallaavigalugit Naalakkersuisut akissuteqaamminni tunngavilersuutigisaat paasilluarpagut, taamaattumik Naalakkersuisut allannguutissatut siunnersuutaat taparserparput ataatsimiititaliamullu susasaqartumut peqqissaartumik suliarineqarnissaa innersuullugu ataatsimiittaliap sulilluarnissaanik kissaapparput.

Qujanaq.